



ՄԱՅՐ ԱԹՈՌՈՒՄ

Մարտի 1-ին, կիրակի.—Դ կիրակի ֆա-
ռասնորդական պահոց. Տնտեսի.

Մայր տաճարում ս. պատարագ մատուցեց
տ. Հակոբ քհն. Հակոբյանը:

«Հայր մեր»-ից առաջ քարոզում է Գեղար-
գի վանքի վանահայր տ. Նարեկ վրդ. Շա-
քարյանը՝ «Տուր զհամար տնտեսութեան քո»
բնաբանով:

Ս. պատարագին ներկա էր Վեհափառ Հայ-
րապետը:

* *

Մարտի 8-ին, կիրակի.—Ե կիրակի ֆա-
ռասնորդական պահոց. դատաւորին.

Մայր տաճարում ս. պատարագ մատուցեց
տ. Նշան քհն. Բեյլերյանը:

«Հայր մեր»-ից առաջ քարոզում է տ. Գե-
վորգ վրդ. Սերայգարյանը՝ «Պարտ է յամե-
նայն ժամ կալ յաղօթս և մի ձանձրանալ»
բնաբանով:

Ս. պատարագին ներկա էր Վեհափառ Հայ-
րապետը:

* *

Մարտի 13-ին, ուրբաթ.—Երեկոյան ժամը
19-ին Երեւանում, հայրապետական վիլլա-
յում, Վեհափառ Հայրապետի նախագահու-
թյամբ, գումարվեց Գերագույն հոգևոր խոր-
հրդի հերթական նիստը:

* *

Մարտի 14-ին, շաբաթ.—Տօն է Սրբոյն
Գրիգորի Լուսաւորչին մերոյ սոսկալի շաբա-
րանացն և մտին ի Վիրապն.

Մայր տաճարում, Իջման սեղանի առաջ, ս.

պատարագ մատուցեց տ. Մկրտիչ ավագ քհն.
Մկրտչյանը:

Նույն օրը, կեսօրից հետո ժամը 14-ին,
Վեհաբանում, Վեհափառ Հայրապետի նա-
խագահությամբ, գումարվեց Մայր Աթոռին
առընթեր ճարտարապետական հանձնաժողո-
վի հերթական նիստը՝ բնութային առնելու
համար 1970 թ. Մայր Աթոռի շինարարական
աշխատանքների ընթացքը:

* *

Մարտի 21-ին, շաբաթ.—Այսօր, երեկոյան
ժամը 18-ին, հոգևոր ճեմարանի հանդիսա-
սրահում դասախոսություն է կարդում հոգևոր
ճեմարանի գրաբարի դասախոս Ս. Անթոսյա-
նը՝ «Հայ մշակույթի համաշխարհային ար-
ժեքը» նյութի շուրջ:

Դասախոսությունը ներկա են Մայր Աթոռի
միաբանությունը և հոգևոր ճեմարանի ուսա-
նողությունը:

* *

Մարտի 22-ին, կիրակի.—Մաղկազարդ.

Այս հանդիսավոր տոնի առթիվ Մայր տա-
ճարում ս. պատարագ է մատուցում տ. Մու-
շեղ վրդ. Պետրկյանը:

«Հայր մեր»-ից առաջ հոգևոր ճեմարանի
տեսուչ տ. Շնորհք վրդ. Գասպարյանը քարո-
զում է «Ռաբբի», դու ես որդի Աստուծոյ, դու
ես թագաւոր Իսրայելի» բնաբանով:

Ս. պատարագին ներկա էր Վեհափառ Հայ-
րապետը:

Նույն օրը, երեկոյան ժամը 17.30-ին,
Մայր տաճարում կատարվում է «Դոնրա-
ցէք»-ի հանդիսավոր արարողություն՝ Վեհա-
փառ Հայրապետի հանդիսադրությամբ:

